



Bou ons kinders vir môre

Sondagskool 4

Lestitel: Aardse lewe en ewige lewe

'n Ouerhandleiding

Sondagskooltuisonderrig



Liewe Ouer

Welkom by die les “**Aardse lewe en ewige lewe**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Aardse lewe en ewige lewe
Bybelwoord	Johannes 11: 1-7 & 11- 45
Lesdoelwit	Die kinders leer dat geloof in God lewe bring

Lesopsomming:

- Twee susters, Maria en Martha, het 'n boodskap aan die Here Jesus gestuur dat hul broer Lasarus baie siek was.
- Jesus is kort daarna na Betanië.
- Hy het gewet dat Lasarus dood is en intussen begrawe is.
- Martha hardloop om Jesus te ontmoet.
- Sy het volkome vertrou in sy mag gehad.
- Die Seun van God het vir haar gesê: “Ek is die opstanding en die lewe.”
- “Wie in My glo sal lewe al het hy ook gesterwe; en elkeen wat lewe en in my glo, sal nooit sterwe tot in ewigheid nie.”
- Martha het dit geglo.
- Jesus Christus en die bedroefdes het na die graf van Lasarus gegaan, waar Hy tot sy Hemelse Vader gebid het.
- Hy het toe geroep: “Lasarus, kom uit!”
- Lasarus wat vier dae in sy graf was, het uitgekóm.
- Jesus Christus het hom weer lewend gemaak.

Wat beteken hierdie les vandag vir ons?

- As ons glo dat Jesus Christus die Seun van God is, kan ons die ewige lewe verkry.
- As ons God dien, wys ons dat ons in Hom glo.
- As ons tot God bid en Hom om hulp vra of Hom bedank, wys ons dat ons op Hom vertrou.



Sommige vrae wat ons kan vra:

1. *Wie het 'n boodskap aan Jesus gestuur dat Lasarus siek was?*
A: Martha en Maria.
2. *Het Jesus onmiddellik vertrek om Lasarus te genees?*
A: Nee, Hy het eers na 2 dae vertrek.
3. *Het Lasarus gesterf?*
A: Ja, hy het.
4. *Wat het Martha en Maria vir Jesus gesê?*
A. As Hy daar was, sou hul broer nie dood gewees het nie.
5. *Waarom het Jesus gewag dat Lasarus sou sterf voordat Hy gegaan het?*
A. Hy wou die mense laat glo dat Hy die Seun van God is.
6. *Kan ons die ewige lewe verkry?*
A. Ja ons kan, as ons glo dat Jesus Christus die Seun van God is.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.